

北京圖書館 編

北京圖書館藏珍本
年譜叢刊

第146冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 146 冊



第一四六冊目錄

先河南公年譜卷下	一
四留山人自記	一二五
文節府君年譜	一七一
彭文敬公自訂年譜	三六五
致初自譜	五〇一
觀齋行年自記	五二九

先河南公年譜卷下

道光二十年庚子公四十九歲

春三月卸襄陽府任

恭逢

宣宗成皇帝六旬萬壽

覃恩公祖考鳳儀

贈贈朝議大夫如公官公祖妣氏石氏石俱

贈贈恭人公考履泰

誥贈朝議大夫如公官公妣氏石氏石俱

詰贈恭人

詳請收買襄陽軍器

襄陽民情獷悍好勇鬪狠多藏違禁軍器名爲防夜實易逞兇且此地向爲用武之區嘉慶初年復有齊王氏之亂各處團兵防禦蕩平之後地方官見軍器鑄有年月往往置而不問民間遂亦視爲泛常是以拒捕傷人之案層見疊出公請於總督東阿周文忠公天爵撥款委員設局收買文忠得公詳文檄公留襄查辦夏四月設局由襄陽而棗陽而宜城而南漳而穀城而光化而均州按部查收五旬竣事計收買八

十餘萬觔悉輦輸各營總督特疏入奏七月奉到

上諭周天爵奏收買襄陽民間違禁軍器一摺釗署襄陽府事德安府知府周啟運平日勤恤民隱辦事實心所至人皆愛戴該府於釗任後巡行各州縣設局收買現已收買八十餘萬觔查驗礮上有周二年崇禎五年嘉慶二年三年等字樣該府自奉檄以來專任紳士不假吏胥收繳易而民不擾周啟運着從優議敘欽此尋議給隨帶加二級

五月奉委查辦襄鄖八州縣事件

時有訛言南漳不靖五月庚寅辛卯癸巳甲午乙未襄南光

穀宜均鄖鍾八州縣男婦聞風奔竄公沿途示慰還定安集
之旋奉檄查流言所自起緣南漳無賴窩盜畏捕挈家逃徙
倡爲不靖之語掩飾耳目而無知輕信流言紛紛轉徙公具
詳請飭各屬留心治理以定民志而靖地方

六月回德安府任

刊雲夢縣志畧

初公蒞任德安索府州縣志僉曰志之散佚殆百年於茲矣
公歎曰夫府志者省志之所資州縣志者府志之所資也百
年之內前無徵後無紀如來者何爰與州縣暨都人士集議

修刊顧非倉卒能辦守土者又往多遷移六月由襄陽回任
聞雲夢程玉農廉訪安陸李碧山觀察有肩修之願乃開館
商訂而玉農先生所輯雲夢縣志畧成公序而刊之
雲夢縣志畧序

周禮邦國之志小史掌之志亦史也會輦有言古之所謂良
史者其明必足以周萬物之理其道必足以適天下之用其
智必足以通難知之意其文必足以發難顯之情然後其任
可得而稱也顧吾謂有此四者猶必擇言期於能精秉筆求
諸能直依經附聖庶幾克傳於戲難矣雲夢縣志前明鄒太

僕十書而外張密庵有志十二卷同異難密起訖易疎迄今
百六十餘載矣歷年既久文獻罕徵遠紹旁搜有待作者王
農先生以曲陽名宿筮仕通顯所至皆著政聲歸田後怡情
典籍著作等身毅然以修志爲己任己亥之夏啟運出守安
州謁先生於省寓精神矍鑠縱談古今嶽峻淵深莫能測其
崖際庚子六月載謁頤園先生以所作志畧一編授啟運讀
之并命爲序其間大綱概舉眾目畢張辭約而法嚴義詳而
事覈體例一遵舊志而因革損益必衷諸宜蓋先生之明之
道之智業已徵諸設施而文之見諸筆削者特其緒餘也又

復擇精秉直用能成一家言爲千秋盛業豈徒邑乘之光哉
且先生以本邑人作本邑志書法不隱尤戛戛乎難之宋袁
樞曰可負鄉人不可負天下後世公議此則先生操筆之苦
衷也題曰志畧殆先生之著述尙未可量抑亦先生之謙歟
秋七月調充庚子

恩科湖北鄉試文闈監試官卸德安府任

冬十月回德安府任

開漢東書院

書院主講有名無實公修復講院整肅學規召生童局門課

全言
試擇其秀者升之書院躬親考核嘗與講習討論助以擴充
器量疏濬才識務爲有本之學作爲有用之文復購經史頒
存書院以資考證自是德安多學者

召生童入書院告諭

鵝湖澤永實爲書院權輿鹿洞規嚴允屬儒林桀獲繫漢東
之故郡迺楚北之名區緬維學士文章曾讀奇書於此地溯
厥狀元忠孝聯登高第於當年講舍嗣與文人蔚起青燈尋
味安州之蜜同甜絳帳流輝隋國之珠並朗近則槐陰自茂
檿案全欽人思明道之風席無可坐士立伊川之雪榻是虛

懸本府職在振興情殷作育几斲槩而若石左右隨宜案牘
紙以如銀出入堪試既勤修之有藉宜約法其同遵爲此酌
定章程俾資講習爲模爲範師廬北海之傳亦步亦趨弟懍
西河之訓勿效管華割席竊踰防檢以貽羞當如韓李分疆
共矢切磋而集益生胥勉矣余厚望焉

道光二十一年辛丑公五十歲

春新作漢東書院成

書院自嘉慶乙亥修葺以來房屋傾圯什物散佚去年秋聞
事竣籌議興修至是成講堂齋舍應用器具煥然一新

夏四月新德安府學

文廟

嘉慶辛未捐修

聖宮距茲三十餘年公奉

簡命知德安府恭謁

文廟竊歎文明重地鞠爲茂草緣倡議建修適因署理襄陽監已

亥庚子鄉試仍不果是年歲稔人和乃召集多士爲之經始

以仰副

聖天子崇儒重道興賢育才至意

護越南貢使至永陽關

嚴禁龍舟

每歲五月假弔三閭大夫歛錢造舟爲競渡之戲沿河一帶多至數十隻數十日不等往往競勝爭先視人命爲兒戲出示嚴禁惡俗乃改

定義學章程

義學之設所以端始進養聖功也章程淆紊考核闊疎久矣餽羊不告公詳定規條以垂久遠令地方紳士公舉品學兼優勤於訓迪者請入學教授其富室子弟非不能自行就傳

者不得濫列

召幼童入義學告諭

兌占麗澤講習端藉夫友朋蒙象出泉果育先基於童子郡
有義塾設自初年地可傳經聖功待養人思就傅幼學宜培
顧因未立成規遂致莫收實效章程淆紊漸教雛鳳無聲攷
校闊疎幾等餽羊不告本府情殷樂育志在誠求儲俊彥而
飾講堂旣懋成人之德萃髦齡以興鄉校爰崇小子之科爲
此酌定規條俾垂久遠先入爲主經師更擇人師利用發蒙
日計還嚴月計照讀無須於鑿壁學書何事乎倚欄席使龍

文鶴骨之英克端始進相期竹馬鳩車之輩勿廢初基

六月釋菜於

先師告成

自

大成殿以及兩廡

大成門明倫堂

崇聖祠瓦椽榱桷垣墉臺磔百爾經營四月諏吉鳩工越三月歲
事特釋菜於

先師以告成功

年譜

卷之下

紹濂堂

整理學宮禮樂

春秋丁祭率皆奉行故事公整肅宮牆之後禮樂祭器悉遵闕里制度鉅典重新恪恭祀事

重修德安府學文廟記

國朝崇尚文治以化成天下凡府州縣皆立學學必有

文廟春秋上丁殷薦伸焉禮至隆也典至鉅也今

皇上御極之十有九年歲在己亥予奉

簡命來守此邦甫經下車恭詣府學祇謁

聖宮瞻仰之餘竊歎文明重地鞠爲茂草上無以妥